

Newspaper	BERITA HARIAN
Date	15 OCTOBER 2016



**Najib, Idris (empat dari kanan) dan Hassan (lima dari kanan)** bersama penerima Anugerah Ikon Alumni Berjaya sempena Majlis Kemuncak Sambutan Ulang Tahun UiTM Ke-60 di Dewan Agung Tuanku Canselor, Universiti Teknologi MARA (UiTM), Shah Alam, semalam.

# UiTM ubah landskap sosioekonomi negara: Najib

➔ Institusi beri sumbangan besar kepada masyarakat

Oleh Rafidah Mat Ruzki  
fidahrzki@bh.com.my

Shah Alam

Universiti Teknologi MARA (UiTM) terbukti sebagai institusi yang mengubah landskap sosioekonomi negara, khususnya nasib orang Melayu dan Bumiputera, kata Datuk Seri Najib Razak.

Perdana Menteri berkata, sepanjang 60 tahun penubuhannya hingga kini, UiTM boleh dianggap sebagai memberi sumbangan yang besar kepada masyarakat.

"Sebab itu, sebagai Presiden UMNO, saya tidak pernah tidak menyebut UiTM dalam ucapan dasar saya (pada Persidangan Agung UMNO) kerana UiTM lahir daripada wadah perjuangan UMNO.

"Bagi sesetengah pihak, UiTM bermaksud universiti ini tonggak Melayu. Ada yang cakap univer-

siti ini tolong Melayu dan ada yang kata universiti ini teras Melayu.

## Tunjang orang Melayu

"Apa pun kita tidak boleh lari daripada hakikat universiti ini tunjang kepada orang Melayu," katanya ketika merasmikan Majlis Kemuncak Sambutan UiTM 60 Tahun, di Dewan Agung Tuanku Canselor di sini, semalam.

Yang turut hadir Menteri Pendidikan Tinggi, Datuk Seri Idris Jusoh; Pro Canselor UiTM, Tan Sri Arshad Ayub dan Naib Canselor UiTM, Profesor Emeritus Datuk Dr Hassan Said.

Pada majlis sama, Najib melancarkan Tabung Dana Keusahawanan selain, menerima dana awal RM1.1 juta daripada Pengerusi Yayasan Keusahawanan dan Inovasi Global (GIEF), Datuk Ghazi Sheikh Ramli (RM1 juta) dan Timbalan Presiden Eksekutif, Bank Muamalat, Ismail Ibrahim (RM100,00).

## Info

### Penubuhan UiTM

- ➔ Dewan Latihan RIDA - Ogos 1956
- ➔ Maktab MARA - 1965-1967
- ➔ Institut Teknologi MARA (ITM) - 1967-1999
- ➔ Universiti Teknologi MARA (UiTM) - 1999-hingga kini
- ➔ Pengasas UiTM Perdana Menteri kedua, Allahyarham Tun Abdul Razak Hussein
- ➔ Najib ketika menjadi Menteri Pendidikan membentangkan Akta MARA pada 1999 yang membawa kepada pembentukan UiTM

Beliau turut menyampaikan Anugerah Ikon Alumni UiTM kepada enam bekas pelajar dan tenaga pengajar yang sudah berjaya dalam bidang masing-masing.

### Sudah capai empat objektif

Najib berkata, sejak penubuhannya, UiTM sudah berjaya mencapai empat objektif utama yang perlu dicapai sebagai universiti termasuk berjaya memberi peluang kepada rakyat di negara ini memasuki institusi pengajian tinggi.

Selain itu, katanya, UiTM juga memberi akses kepada pendidikan yang berkualiti; menyumbang kepada mobiliti sosial serta kejuruteraan sosial negara yang menyaksikan nasib masyarakat terutama golongan Melayu dan Bumiputera kini mampu keluar dari kemiskinan, selain membina masyarakat seimbang yang adil tanpa mengira bangsa.